

Polazeći od zajedničkog interesa i ukazane potrebe za unapređenjem obrazovne i stručne saradnje, a u svrhu definisanja uzajamnih obaveza između:

NARODNO POZORIŠTE SARAJEVO, ulica Obala Kulina bana br. 9, 71000 Sarajevo, kojeg zastupa, Edin Mustafić, direktor

i

Univerzitet u Sarajevu - Fakultet političkih nauka, Skenderija 72, 71000 Sarajevo, BiH, kojeg zastupa prof. dr. Sead Turčalo, dekan

(u daljem tekstu strane potpisnice) zaključili su

## **SPORAZUM O SARADNJI**

Univerzitet u Sarajevu - Fakultet političkih nauka i JU Narodno pozorište Sarajevo uvažavajući važnost upotpunjavanja teoretskog znanja praktičnim, ovim potvrđuju potrebu i spremnost na zajedničko djelovanje u cilju podizanja kvalitete obrazovnog i stručnog rada koje se realizira u vidu stručne prakse.

### **I**

#### ***Svrha***

Svrha ovog sporazuma je definisanje oblika saradnje između strana potpisnica u oblasti obrazovne i stručne djelatnosti iz nadležnosti Odsjeka Žurnalistika/Komunikologija.

Saradnja će se odvijati na principima obostranog interesa, kroz zajedničko angažovanje materijalnih i ljudskih resursa.

### **II**

#### ***Aktivnosti definisane Sporazumom***

Primarna aktivnost čije provođenje predviđa ovaj ugovor je *organiziranje studentske prakse iz oblasti komunikacija/novinarstva/odnosa sa javnošću u OJ Služba marketing i propaganda na poslovima promocije, komunikacije sa medijima, kreiranja sadržaja na zvaničnim društvenim mrežama i svim ostalim aktivnostima koje obavlja OJ Služba marketinga i propagande.*

Uvažavajući interes i potrebu za unapređenjem stručnog obrazovanja studenata Odsjeka Žurnalistika/Komunikologija i upoznavanja studenata sa praktičnim radom, strane potpisnice obavezuju se na zajednički rad u domenu praktičnog obrazovanja studenata i organiziranja studentske prakse.

Sporazum će se realizirati kroz kontinuiranu saradnju strana potpisnica na organiziranju studentske prakse, praćenju studenata kroz proces obavljanja prakse i evaluacije studenata po završetku tog procesa.

Praktična nastava realizirat će se shodno nastavnom planu i programu Odsjeka Žurnalistika/Komunikologija Fakulteta političkih nauka Univerziteta u Sarajevu, te u skladu sa tehničkim i ljudskim kapacitetima JU Narodnog pozorišta Sarajevo za prijem studenata na praksu.

Pripremne radnje (odabir maksimalno 2 studenata, kreiranje liste i dostavljanje liste studenata) preuzima Fakultet političkih nauka Univerziteta u Sarajevu i dostavlja ih JU Narodno pozorište Sarajevo, Uredu direktora, najkasnije početkom aprila tekuće akademske godine. Obaveze mentorstva preuzima osoba iz OJ Službe marketinga i propagande po nalogu i odluci Direktora JU Narodno pozorište Sarajevo.

Organizaciju aktivnosti tokom boravka studenata na praksi, u trajanju od ukupno 100 (stotinu), sati preuzima OJ Služba marketinga i propagande. Frekvencija dolazaka studenata na praksu dogovara se u skladu sa potrebama i kapacitetima JU Narodno pozorište Sarajevo i ostalim nastavnim obavezama studenata. Studentsku praksu potrebno je realizovati u periodu od mjeseca marta/aprila do mjeseca juna/jula.

Evaluaciju, što podrazumijeva potvrdu o uspješnoj realizaciji prakse studenata, preuzima Narodno pozorište Sarajevo, koji predmetnom nastavniku dostavlja potvrdu da su studenti uspješno obavili praksu, a predmetni nastavnik izvodi konačnu ocjenu studenta i unosi je u sistem na Fakultetu političkih nauka Univerziteta u Sarajevu.

### III

#### ***Trajanje sporazuma***

Sporazum stupa na snagu danom potpisivanja, a trajat će do 01.10.2026. godine.

### IV

Sporazum se može mijenjati potpisivanjem aneksa sporazuma strana potpisnica.

## V

Obje strane mogu raskinuti ovaj Sporazum u roku od osam (8) dana u slijedećim slučajevima:

- ako se utvrdi da ne postoje objektivne pretpostavke za uspješno izvođenje praktične nastave,
- ako se utvrdi da strana potpisnica - partner ne postupa sukladno ugovorenim odredbama.

## VI

Strane potpisnice saglasne su da sve eventualne sporove koji mogu proizaći iz ovog Sporazuma rješavaju sporazumno, a u protivnom nadležan je Općinski sud u Sarajevu.

## VII

### **Primjerci sporazuma**

Sporazum je sačinjen u 4 istovjetna primjerka, od kojih svaka strana potpisnica zadržava po dva.

